



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXXIII. De infirmis in valetudinario.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

De infirmis in Valetudinario.

Morbi, uti omnes aliæ calamitates atque ærumnæ, blanditiæ sunt, quibus Deus animas, quibus imprimis vult gratificari, demulcet. Sunt etiam specimina, quibus eorum probatur fidelitas, istorumque speciminum, ut aliquid nimirum paterentur, adeò percupidi fuere viri sancti, ut suaviter apud divinam ingemiscerent atque exoptularent Majestatem, ubi ipsos diutius illis esse immunes permitteret; veluti bonus ille Senex Anachoreta, qui cum annum integrum in perfecta sanitate, præter consuetudinem tuam transegisset, amicabiliter illi dicebat: *Dereliquisti me, Domine, neque me anno isto invisisti.*

Vitæ communis observationes nequaquam relinquimus ob aliquas leviores ægrotationes, quæ plerumque sequuntur vitam austeriorem ac pœnitentem, uti sunt animi debilitationes, stomachi imbecillitates, quicumque capitis dolores; verùm in febribus, aliisque extraordinariis morbis charitas superiorum ad valetudinarium concedere nos jubet.

Sapiens ac virtutum studiosior Religiosus diligenter sibi cavebit, ne bonitate Religionis abutatur, ne videlicet illic amittat, quidquid acquisierit fortassis familiaritatis orationis atque interioris animi collectionis, atque etiam ne corpus suum assuefaciat sensualitati, dum hic illi suas permittit atque indulget necessita-

tes. Quod quia non fecere nonnulli, animadversum est, illos, valetudinarium ubi deseruissent, in summa vitæ licentia vixisse, cum illud valdè devoti fuissent ingressi: & plures illud adiere insigniter mortificati, qui ipsum relinquentes molles ac deliciarum amantiores evaserunt. Id quod illis eò evenit facilius, quòd, cum satis sibi minimè cave-
rent, obedientiæ prætextum obtenderent. Adversâ igitur valetudine laborare ubi quis cœperit, istis utetur Salvatoris ac Do-

“ mini nostri verbis: *Ita Pater, quoniam sic* Matt. 11,

“ *placitum fuit ante te.* Visitas me, Domi- 26.

“ ne, hac infirmitate. Illam magnâ animi

“ cum submissione accipio in unione sanctis-

“ simæ atque acceptissimæ voluntatis tuæ: fiat,

“ uti tu imperasti, sit nomen sanctum tuum

“ benedictum.

*Directio facienda, ubi quis valetudina-
rium ingreditur.*

“ Domine Deus meus, totum equidem

“ divinæ Majestati tuæ me dicavi atque conse-

“ cravi. Jam igitur meus amplius non sum,

“ sed totus tuus. Æquum itaque est, ut, tibi

“ in me quod est, jure utaris, pro tuo mihi li-

“ bitu dando sive sanitatem, sive immittendo

“ adversam valetudinem. Denuò atque inti-

“ mo cordis sensu confirmo donum, tibi de-

“ me ipso quod feci, quam humillimè te orans,

“ ut de me atque in me semper & absque ul-

“ la exceptione tuam sanctam adimpleas vo-

“ luntatem. Interea novi, hic esse locum

meæ

510 SPIRITUS ACTIONUM

meæ probationis, ubi tibi reipsa ut ostendam, oportet, desiderare me, tuâ opitulante gratiâ, ex virtutis præscripto pati, teque meis honorare impendiis. Animum mihi, quæso, concede, morbum istum patienter ut feram, neque istam complures eximias exercendi virtutes occasionem inutiliter elabi permittam. Peculiariter gratiam mihi dona, ut meo Infirmario, in cuius verbis atque iussis tuam sanctam agnoscam voluntatem, exactè obediam. Virgo sanctissima, tuque gloriose sancte Joseph, intercessionibus mihi vestris in ista necessitate opem ferte.

Actus interiores in diversis occasionibus.

In vehementioribus morbi aggressionibus.

Domine mi Magister ac Salvator, tu vitæ dolorum, vulneribus ac plagis à planta pedis ad verticem capitis plenus fuisti, ut in tuâ sacratissima persona omnes nostras infirmitates, dolores atque ærumas corporeas sanctificares. Tibi me unio, atque in unione & conformitate eorum, quæ tu tolerasti, nunc pati desidero. Capitis mei dolores spineæ columnæ tuæ sunt acumina & puncturæ. Febris meæ accessiones sunt maximi tui dolores, quos plenâ cum animi defectione in horrore, appropinquante passionis tuæ hora, percensisti. Ingei's mea in febris ardoribus sitis permodica participatio est illius, qua in cruce tu exarsisti.

In horrore, quo quis naturaliter aversatur medicamenta.

Calicem, quem dedit mihi Pater, non bibam illum? IOANN. 18. 15
 “ quia nimirum Salvator meus prior
 me passionis suæ calicem exhaustit. *Ubi Infirmarius infirmo denegat quod petit. Non mea voluntas sed tua fiat.* LUC. 22. 42.
 “ Etiam, ô Domine Deus meus, Infirmario meo, tanquam illi, qui isthic meum agit superiorem, & per quem tu tuam palâm facis voluntatem, hic me lubens submittam.

Porro infirmus, nisi maximâ cum moderatione, non ingemiscet, neque conqueretur, quin potius dicet intra semetipsum: “ Mi divine Redemptor, exemplum tu mihi in sanctissima passione tua dedisti fortitudinis atque animi generositatis illius, quam à me desideras. Os tuum non aperuisti, ut conquereris, quantum vis acerbissima ac planè lethalia tua essent tormenta. Volo & ego, quantum quidem potuero, me tibi conformare.

“ Tandem, Domine, quoad in Valetudinario morari me oportuerit, hæc mea peculiaris agendi norma erit, ut ab Infirmario meo omninò gubernari me sinam, omnibusque quæ voluerit ipse, postquam ei simpliciter manifestavero quidquid necessarium mihi esse existimabo, me penitus submittam. Id quod ipse de dilectissimo præcuratore tuo post mortem illius tu dixisti, epigraphe meæ erit: *Fecerunt illi quacumq; voluerunt.* Ita, mi Domine, habeant me, qui mihi assistunt,

MARC. 9. 12.

ut cur-

utcumque voluerint, ego amore tui me illis
perfectè committo. ,,

CAPUT XXXIV.

De illis, quibus loca conventus scopis aut alia ratione purgare incumbit.

Hic paucis incipiemus differere, quo animo ac spiritu exequenda sint quævis minutiora Religionis officia. Humilitatis nonnullis, aliis proptia sunt incentiva charitatis. Religionis virtute animari debent illa, quæ cultum spectant divinum, at omnibus communis & à quibusvis indivisa esse debet obedientia.

Humilitatis affectus proprii sunt illorum, qui scopis diversa conventus loca aut alia ratione communia vasa, aliaque purgare suppellectilia habent. Virtutis verò Religionis affectus ac sensus animare debet illos, qui Ecclesiam verrere atque ad Altare pertinentia habent purgare.

Magnus sanctus Basilius Author est, ad obtinendam humilitatis virtutem haud parùm conducere, ut in vilioribus quis sese exercent officiis: eâ enim ratione cor nostrum sensim sine sensu cogitationibus illis propriis ac familiarioribus se conformat, cogitationes enim nostræ ordinariè tales quales occupationes existunt. Ut proinde occupationes viliores atque humiliores ad sanctam humilitatis virtutem

De
Oratio